

國朝詩人徵略二編

張若霏

字竹香安徽桐城人廩貢生有閒閒草

竹香爲文端公十一世孫大司寇若淳族弟以長

子貴封文林郎湖北黃陂縣知縣孫元恒廣東縣

丞綸軍功七品銜

竹香若霏若霏皆文端孫也霏且十一世年六不令

君先世兩朝宰相累代簪纓門第高華譽隆江左

君文章憎命蹭蹬名場放覽江湖騁懷山水孫嵐

屏少尹

元恒

雨田參軍

綸

久在粵東余先識雨田

近又與嵐屏往還因得讀君詩謹摘其佳句刻入

詩人徵略二編

松心文鈔

摘句 占春花獨早近水影多斜

梅

行客來投店主人猶在田

宿黃石嶺

月高驚客起霜重覺衣單

黃梅道中

身賤文難賣心憂病易侵

旅懷

月明同夜色酒盡獨鄉心

送五兄

對酒愁心遣逢書倦眼開

老至

三世同居隨拜揖九原含笑見團圓

祀祖

名留三楚山川舊恩錫千秋俎豆香

謁先大父

名宦

祠

未須春到飛成絮偏倚風高散作雪

雪

爐火失紅飛雪後簾波搖綠上燈初

吾廬

獨能閉戶多因病却得看書盡在閒

東方牛莊

美人宛轉埋黃土王氣荒唐逝碧波

青溪

唯餘書味藏胸久只許梅花入夢香

閑居

行蹤雖說將千里聚首猶歡是一家

抵家兄進

賢官舍

春去半消桑落酒夏寒重曳木棉花

客中對雨

但是暗香關不住故人分得一枝來

梅花

明月十分燈萬點一層光裏一層人

元宵

惆悵有情人不至斜風細雨又黃昏

卽事

李步蟾

字敬躋號桂苑廣東龍門人拔貢生官甘肅州同
安西州判有臥雪軒詩略

步蟾天資英敏貫串羣籍工楷法受知學使史公
夢琦以縣試第一入泮旋食餼乾隆己酉拔貢

朝考後以州判發南河試用甲寅丁外艱服闋改發
甘肅權靈州花馬池州同花馬池番民互市最易
生事步蟾恩威并用諸番畏懷尋補秦州三岔鎮
州判兼管軍糧鹽茶官此者向藉贏餘肥己步蟾
毫無沾潤民有李青天之目三岔城舊無書院步

蟾倡捐創建己巳因病告歸家居數載以德化其鄉嘗陰脫邨民无妄災彼此不相識也病痊后甘肅甲戌攝平羅令絕苞苴勤聽斷胥役有藉命誣引富室者痛繩以法書院傾圯捐俸倡修延名宿主講士民欲建生祠步蟾力卻乃止去任日邑人餞者以千計權平涼府經歷太守楊某性嚴厲民有悞罹法網者將坐重辟步蟾屢爭之得輕比郡東有柳湖書院公餘輒爲諸生講藝郡人爲之語曰愛民若子敬士如賓不事敲扑最耐清貧蓋紀實也庚辰補三岔州判有繫囚冤不得白聞步蟾

復任曰李青天來吾不死矣步蟾至廉其冤卽出
之道光初元調補安西馬蓮井州判受代時民以
新韓易步蟾所著韓畱懸三岔城門比涖安西上
官委查敦煌金廠玉門墩塘餽贍一無所受乙酉
以績最將遷官會疾作踰月卒年六十有八州民
爲之罷市丁亥歸櫬士民焚香哭送數十里步蟾
生平愛客樂施筮仕二十餘年不攜家累長子晉
蘭至署輒遣之歸且屬其歲壽百金來署助薪水
其廉介如此子晉蘭理問徵蘭巡檢孫勲諸生熊

監生熙廩生

龍門縣志

靈州花馬池秦州三岔鎮安西馬蓮井皆西方邊
塞地屬苦寒李君桂苑官此二十年茹苦耐勞不
攜家累其清操頗類雷州陳清端公至命其子於
家中籌百金來助薪水此宦場罕見之事也君從
子鐵甫茂才杜蘭攜龍門縣志見示因輯入詩人
徵略以見廉吏可爲有如此者松心文鈔
摘句 念公赴輪臺不覺爲下淚公云丈夫身何

處不堪寄

送顏惺甫制府
戍烏魯木齊

但得民情千念息不攜家累一官閒

晉兒還粵

但使初心能不負何須生入玉門關

玉門道中

國朝詩人徵畧二編卷四十五

番禺張維屏子樹輯

阮元

字伯元號雲臺江蘇儀徵人乾隆五十四年進士官至體仁閣大學士加太傅銜謚文達有擘經室集

御製晉加太傅銜致仕大學士阮元碑文

朕惟勤宣中外鈞衡資元老之勲禮備初終錫賚極哀榮之數陳訐謨於九德效輔弼於

三朝篤棐長留褒崇罔替爾晉加太傅銜致仕大學士阮

元學裕儒宗識優國器紬書玉署作賦則名冠詞曹
躋秩銅樓乘軒則躬膺使節教興黌序徧齊魯越境
以儲才政佐文昌厯春夏地官而敷治撫循浙海行
臺再擁夫霓旌翔步蓬山史筆永畱於金匱學士仍
紫微之職考工兼泉府之司南國均輪總領夫牙樯
鐵軸西江撫輯承

恩於翠羽宮銜移鎮而河洛又安督軍則湖湘總匯揚旗
粵嶺波澄海上之樓船受鉞滇黔風靜天南之鼓角
趨禁垣而按轡百揆分猷拜綸閣以垂紳六官兼領
禮閣貢士重輝藻鑑於春官

御幄橫經更育賢良於閭苑及乎陳情辭老致政言旋猶
分廩餼之頒更拜榮銜之

賜雅歌式宴觀光重列於嘉賓祿綯全需

晉秩特隆以太傅歷仕者五十載冊府銘勲退居者十二
年儒林範德庶遐齡之克享何遺疏之遽陳我

皇考悼惜殊深

恩施特沛政寬吏議典舉儀曹豆籩致奠以馨香紳黻加
榮於孫子謚以文達允稱佳名朕眷厥休聲述茲懿
美於戲緬昔年之翊贊忠藎彌彰流後葉之清芬徽
猷永式勒之貞石鬱矣佳城

粵東紳士公請前兩廣總督太傅阮文達公入祀
名宦祠啟

蓋聞大猷敷政宅心久洽於閭閻實惠及民報德
當隆夫俎豆而况通天地人之謂儒立德功言以
名世尤秉彝所同好亦祀典所攸關者乎前兩廣
總督太傅阮文達公一代名臣

三朝元老學術夙本於經術儒宗竝領夫詞宗祥由地發
誕生近文選之樓福自天申大考冠蓬瀛之籍亨
衢直上藻鑑頻司已未一科得人最盛自山左而
兩浙使節已見再持由宗伯而少農閣部曾經三

轉懋膺

宸眷特畀封疆薦賢得將

李忠毅公長庚

兵戎之號令能專剿寇

有功浙閩之海洋胥靖采詩則輶軒錄廣詁經而
精舍才多運糧津淀尺度新頒調撫豫章羽儀用
錫旣統楚南北而擢居總制旋合粵東西而任重
兼圻公莅粵十年殫心庶務許洋米之船以載貨
民食開不匱之源取學海之義以建堂士林獲稽
古之益改風簷之號舍入閭無卑濕之虞籌月費
以卹嫠守節免輶飢之苦修三百年未修之緯道
險途變爲坦途築八千丈增築之石堤澤國斯爲

樂國而且馭夷有道成見不存桀驚則停其互市
恭順則許其開艚此又不剛不柔無適無莫宜乎
八濱鏡靜萬里波恬公之德也民之福也至於寰
宇又安斯文炳煥經籍纂詁百十卷悉古訓之精
華

皇清經解八十家實藝林之淵嶽豈徒嶺南紙貴已看海
內風行公掣經有集箸述等身而獨舉二書者則
以此二書能開發乎羣經而皆開雕於東粵者也
他如纂廣東通志修鎮海層樓建二虎礮臺平惠
潮門案凡茲措置無懈宣勤旣而旌節移滇絲綸

入閣載侍

經筵之講重持禮榜之衡精神嬰鏢遽乞退乎

黃扉杖履優游願就閒於綠野天錫純嘏

帝眷老成喜延鶴算以遐齡重赴鹿鳴之嘉宴生晉太傅

本朝僅見七人孫舉孝廉登科已連三世秉旄鉞者

四十載尊是蓬尊居林泉者十二年福真全福諡

宜文達禮備哀榮是誠邦國之光豈特山川之瑞

已哉某等分屬部民班隨弟子或身受其教育或

家荷其安全思有斐之君子終不可誼驗直道於

斯民如有所譽爰特陳其實行不敢飾以浮辭伏

冀好善同人周行示我采茲輿論達於

樞廷澤畱嶺表長懷八艷之噩臣星返台垣永享千

秋之廟祀

松心
文鈔

屏鄉會座主皆出文達公之門公督粵時屏爲粵
秀書院監院每晉謁侍坐受教良多是以本省公
議請公入名宦祠屬屏操筆義不容辭謹就見聞
所及草爲此藁至公之政績勲猷載於

國史文章學問見於撰著諸書生平事蹟詳於雷塘
廬主弟子記茲編所輯特其大畧云爾公不藉詩
以傳第就管見取有關事物者錄一二入詩話云

阮雲臺先生云渭城一曲取調最高笛爲之裂北
宋猶有能唱之者屏案王右丞渭城朝雨浥輕塵
一首蘇東坡濟南春好雪初晴一首阮雲臺魯民
爭道送歸程一首

詩集卷五

三首皆用此調惜世無知

音律之人不能唱耳

聽松廬詩話

阮太傅詩云蘭草古都梁自注云古詩騷之蘭皆
澤蘭一名都梁香非今之蘭也屏案黃山谷云一
幹一花者蘭一幹五六花者蕙而朱子云古所謂
蕙乃今零陵香物無定名俟知蘭者審訂之上
雲臺先生漢銅尺歌云翁葉阮各得其日本銅

質鎔精堅自注云葉東卿用日本銅仿鑄漢建初
銅尺三枚分贈蘇齋暨予而自畱其一屏案公詩
但言此尺由江都閔氏歸曲阜孔氏而未言尺所
自出似不及翁覃谿先生銅尺詩較詳同上
阮文達公詩云積古齋中列觀八屏案公有積古
齋齋中有八觀茲列於左

商銅角 周齊侯壺 漢晉八甌 唐貞觀塗

金銅碑 宋王復齋鐘鼎款識 宋尤延之板

文選 舊榻未翦本華山廟漢碑 仿鑄漢鼎

尺銅 聞兵燹後齋中物多散失可慨也同上

文達公詩云滿江晴雪幾舟紅自序云予造紅船

爲長江上下濟渡救生之用屏案公善政不一以

廣東洋米大江紅船二事爲最洵功德無量也

同上

文達公有鸞羽歌自注云前年衡州有大鳥飛鳴

羣鳥隨之音如馬頸串鈴當是鸞也屏案此詩作

於嘉慶庚辰則鸞至衡州當在戊寅巳卯間鸞爲

鳳類此事似當入 奏乃今於公詩始見之

同上

標題 展母墓 登岱夜宿孔子廟曉觀日出

五古

大龍湫歌 望遠鏡中望月歌

七古

摘句 每遇歡華境常思閨淡時

草堂園萬柳驟雨打新荷

萬柳堂 自注 廉野雲宴趙松

雪於萬柳堂命家姬歌驟雨打新荷松雪繪圖屏案此圖可與西園雅集圖並傳

魚龍戲畢諸藩拜薇芑詩成二雅材

宴 賜

熱河萬樹園 賜宴時蒙古王公及回部越南貢使皆列坐參贊侯德楞泰亦凱旋

一泝芙蓉三逕竹雨箱金石半牀詩

卽事

民騰善氣春如海官有清聲酒亦賢

春燕

虹影化爲秋水立日光曬倒雪山來

海寧 迎潮

春夜梅花沙市月西風荷葉渚宮秋

荊州 懷古

屏昔宰松滋曾因公至沙市沿江廿里燈火帆檣今誦公詩猶宛然在目也

儘教對鏡層層照不用開軒面面通

玻璃 窗

張青選

字商彝號雲巢廣東順德人乾隆五十四年舉人
官兩淮鹽政有清芬閣詩集

公生七歲而孤稍長竭力養母勵志顯親弱冠入
泮乾隆己酉 恩科中式本省鄉試舉人嘉慶辛
酉會試後大挑知縣分發浙江歷署瑞安縣海甯
州事所至民沾惠澤緣公實心實政不存五日京
兆之見也甲子題補嘉善值仲夏霪霖平地水數
尺田廬淹沒災民嗷嗷公欲先發賑後具稟幕友
以格於成例阻止公曰

聖朝痼瘵在抱奏必准行且民遭水厄猶忍自顧考成
坐視其爲餓殍耶遂先碾倉穀數萬石分別平糶
賑濟一面具稟請奏全活甚衆紳民爲公立祠至
今奉祀丁卯戊辰兩科分校所得皆名下士先是
丁卯夏公集嘉邑名士決科拔取十餘人榜發獲
售七人皆公所賞識者是科解元陳名傳均亦嘉
善人嘉邑一榜科名之盛前此未有人皆以爲公
教育所致戊辰調餘姚已巳歉收貧民困甚公捐
廉撫卹并多方勸賑衆賴以安刻有餘姚捐賑事
宜後之救荒者多取法焉庚午調仁和爲省會首

邑公夙夜從公恒日昃始退食或終夜秉燭治事
無敢自逸癸酉陞浙江東海防同知入都引

見後在部請假回籍修墓甲戌春由浙回粵是年仲秋
回浙銷假赴任乙亥丙子丁丑戊寅己卯五年之
中四權府篆皆致頌聲庚辰仲冬陞嚴州府知府
道光元年辛巳調杭州府知府壬午擢浙江督糧
道癸未擢兩淮鹽運使甲申調長蘆鹽運使乙酉
擢直隸按察使七月入

覲

召見兩次

天語溫勉八月履任隨奉

旨調補福建按察使仲冬履任丙戌奉

旨以三品卿銜補授兩淮鹽政九月到任公因邗江俗
尚靡麗躬行節儉到任撰楹聯自警出語云窮秀
才出身服食起居敢忘本來面目對語云

聖天子在上夙興明旦時嚴對越精神丁亥九月鹽政
任滿調湖北按察使未起程旋以奏請展限緩解
淮南報効銀兩奉

旨訓飭交部議處照應解錢糧託故遷延之例實降一
級調用奉

旨以道員用赴部候銓已丑在部乞假回籍省墓到粵
卽祖遺屋基改建祠堂自撰記立石公之孝思不
匱於碑記可知其大畧焉庚寅至浙壬辰入都選
浙江金衢嚴道引

見奉

旨以原品休致南旋寓浙辛丑遷寓蘇州丙午公命次
子邦佐赴川候補三子邦佺降捐鹽大使分發兩
淮公就養揚州半載以疾終享壽八十公自以受
恩深重報稱維艱蹇蹇之衷時形抱疚至於生平慷慨
尚義周人之急道人之善愛才禮士敦本睦婣衆

所共知無庸縷述著有清芬閣詩集集中佳句有
令人讀之而孝弟之心油然而生者又可於篇什

見公性情之篤摯焉

聽松廬
文鈔

雲巢廉訪到家詩五首語語從肺腑中流出讀之
令人增倫紀之重詩云艤櫂天初曉朝煙尙未炊
只緣欲歸急猶覺到家遲大宅幾更姓寒門仍舊
時長鬚疑客至却問欲尋誰 我本離家久鄉音
況漸非幾人能認識阿嫂尙依稀道路問安否顏
容較瘦肥相看渾似夢果否是真歸 入幃拜大
母瞻仰涕漣洟一語傷心曲多年繫夢思不圖垂

老日猶有見孫時預恐難爲別殷勤問去期
阿弟聞兄至欣然告婦知未修相見禮如復拜堂時
諸姪皆成室生兒已就師相看心默訝隨母謁階
墀姊妹同懷六溫黃兩尙畱別離苦相憶老病
更窮愁見面翻無語酸心不自由其餘各親串欲

述筆難周

聽松廬詩話

標題

讀太史公自序題後

五古

讀韓昌黎張中

丞傳後序用李義山韓碑韻

七古

摘句

魚鱸切膾成佐以虀鹽熟調和滌微腥薑

椒共一掬匪惟得醬宜亦貴以膏沃浙米

不厭精稀作厨人屬食魚生粥

切生魚片澆以沸粥美味也屬厨人稀作者魚生粥不宜太稠也加油榨檜尤佳此物不可入詩因附記於此以補詩所未備 松軒隨筆

微官不逮養此恨竟終天調墓

自天銜 鳳詔適奉到覃恩得地卜牛眠

風高搖塔影霜重壓潮聲秋望

折腰謀潔養努力望加餐二兒將請客赴蜀作此示之

名場客有登龍郭市隱君同化蝶周和顏雨亭

豈不欲畱畱未得即能再見見何年錄別

阡表至今空有待墓田能買敢言遲五十述懷

古往今來同此日千秋百歲是何人

人日

載道口碑防失實問誰心跡是真清

將離台郡

留別僚友士民 比撫躬內省之言宦場人難得此真實語 松軒隨筆

自慙為政多無狀所到於民尚有緣

調任長蘆

留別淮揚僚友士民

若論學問能無愧得忝清華敢怨貧

寄示三兒

邦佐

以人為暖今方屈曰老而傳早過之

壽朱少仙

八十

不合時宜心貌古堪稱學究性情迂

老儒

上馬據鞍誇矍鑠輕裘緩帶想平生

老將

每積租餘了婚嫁最關心計是陰晴

老農

獨畱洗鉢閒心在漸覺看經定力堅

老僧

靜中領取心多妙忙裏偷來樂更饒

閒

禮法豈煩爲我設生平不解占人先

懶

並世有誰能似我生今欲讀竟無書

狂

愛畫愛書都是癖耽詩耽酒亦多情

癡

南海波濤天下濶大通煙雨望中收

大通煙雨

羊城八

景之一

若問行程安與否太平車似太平船

寄家書

國朝詩人徵略二編卷四十七

番禺張維屏子樹輯

洪亮吉

字君直一字稚存江蘇陽湖人乾隆五十五年
賜進士第二人官翰林院編修有卷施閣集更生齋集

先生事蹟已見前編茲專節錄西海釋於左

容齋隨筆以爲四海一也無所謂西海其實不然
山海經云西海之南有大山名昆侖漢書西域傳
云于闐之西水皆西流注西海涼土異物志云葱
嶺之水分流東西西入大海范蔚宗西域傳論云

甘英臨西海以望大秦此西海見於唐以前史傳者西域聞見錄云溫都斯坦之江河皆通海洋時有閩廣海船到彼停泊是西海卽在溫都斯坦之西東西南北之海無不通故西海中亦時有閩廣

船到也

更生齋文集

穉存先生旣撰乾隆府廳州縣志於海內郡縣朗若列眉矣又作西海釋一篇蓋欲窮究海外疆域於此篇引其端也屏不揣固陋取拙著老漁閒話中有話及海外者錄於西海釋之後話及則錄話未及則不錄欲觀其詳自有諸人原書在

老漁閒話

海國輿地

地之大

地之東西二萬八千里南北二萬六千里

山海經

東西二億三萬三千里南北二億三萬一千五百

里

河圖括地象

東極至西極二億三萬三千五百七十里北極至

南極二億三萬三千五百七十里

淮南子

直行北方者每路二百五十里覺北極出高一度

南極入低一度直行南方者每路二百五十里覺

北極入低一度南極出高一度則徵地每一度廣

二百五十里地之東西南北各一周有九萬里實

數也

利瑪竇
地圖說

日隨天行一日一周地面有十二時較交食時分

得若干里因知地體圓實九萬里

莊廷勇
地圖說

古之言地者或以億計或以萬計其數懸殊後人

推步術密於前以南極北極出地入地之數及測

月食分秒里差以推地之里數似爲有據

老漁
閒話

地之厚

地厚二萬八千六百三十六里零百分里之三十

六分

利瑪竇
地圖說

地有四大洲

南瞻部洲 東毘提河洲 西瞿陀尼洲 北拘

盧洲

大唐西域記敘

南瞻部洲 西牛貨洲 東神勝洲 北具盧洲

海國

圖志

地有五大洲

亞細亞洲 歐羅巴洲 利未亞洲 亞墨利加

洲 墨瓦蠟尼加洲

明史引利瑪竇之言
皇清通考職方外紀並同

魏氏

源

曰佛經所謂四大洲西人止得其二亞細

亞歐羅巴利未亞共爲南瞻部洲也墨利加則西

牛貨洲也此外必有二洲

海國圖志

老漁曰魏默深以釋典東神勝洲北具盧洲爲在利瑪竇所云五大洲之外言之鑿鑿余不能無疑墨利加洲明以前尙未通西洋唐代之人何由知之西域記敘云海中可居者大略有四洲是唐時已明知有此四洲豈至今反不知二洲所在且西洋人能通自古未通之墨利加洲豈唐人已知之洲而西洋人反不知者然則二洲卽在五洲之內至墨利加洲多產金銀默深遂以此爲西牛貨洲之證余謂音隨譯轉貨字似未可據也

老漁閒話

海國山水

昆侖

河出昆侖墟

爾雅 昆侖始見於禹貢然禹貢昆侖非西域之昆侖也

昆侖山爲地首

河圖括地象

蔥嶺之水分流東西東爲河源

水經注引涼土異物志

是蔥

嶺名昆侖之證

洪氏亮吉昆侖山釋見更生齋文集

昆侖卽蔥嶺昆侖爲衆山之祖

魏氏源釋昆侖見海國圖志

老漁曰魏默深謂昆侖卽蔥嶺十徵之儒籍一徵

之釋典一徵之西洋圖說一徵之本朝紀載可

謂明辨哲矣而洪穉存先生已先言之

老漁閒話

萬國環昆侖

高宗純皇帝御製五天竺說曰昆侖居大地之中天下萬國環之昆侖以東我大清國最大昆侖以西南五天竺國最大昆侖以西北鄂羅斯國最大今回疆與痕都斯坦相接其國卽印度故境以中國之力欲通五天竺國何難但出於招致非彼之慕德嚮化而來故不爲耳

高宗御
製文集

臣維屏曰泛覽古籍但知昆侖爲衆山之祖恭讀聖製乃知昆侖爲萬國所環卽此數語中仰見聖朝懷柔遠人以德不以力以實不以文旣誦

皇言之如綸益徵

帝德之廣運也

老漁閒話

海

東海

左傳表東海者其太公乎

東海始見於此

西海

禮祭義推而放諸西海

西海始見於此

南海

禹貢至于三危入于南海

南海始見於此

北海

左傳君處北海

北海始見於此

三代言海大都就近言之卽漢書所云西海亦

地中海耳非大西海也後世言四海以西洋人

艾儒略四海總說爲易明今節錄於左

老漁閒話

東海 從小東洋至大東洋爲東海

西海 從小西洋至大西洋爲西海

南海 近墨瓦蠟尼一帶爲南海

北海 近北極下爲北海

四海
總說

海包國 國包海

寰海 國在海之中海包乎國者曰寰海

四海
總說

地中海 海在國之中國包乎海者曰地中海

同上

寰海蓋卽騶衍所謂大瀛海地中海蓋卽騶衍

所謂裨海衍之言非盡荒誕當時未通西洋輟

轉傳聞未得其實耳

老漁
閒話

渤海 戰國策東有琅邪北有渤海

列子渤海之東有大壑實爲無底之谷

言大壑在渤海之東則知渤海非大海老漁開話

朝鮮遼東與登萊中隔渤海海國圖說

海國圖志此語說渤海極分明知此則國策言

北列子言東俱可了然矣老漁開話

裏海 水經注謂之雷菴海

一名北高海在地中海東北 一名騰吉思海

冰海 北海半年無日冰疊成山故曰冰海四海總說

黑海 俄羅斯之南四面環繞不通大海海國聞見錄

東紅海

在西印度之東 小西洋之北 謂之東者對西紅海而言耳

西紅海

在西印度之西 小西洋之北

凡海色皆綠惟東西二紅海其色淡紅或云海

底珊瑚所映而然

四海總說

太平海 中有七千四百四十島

四海總說

太平海據四海總說謂爲東海而海國圖志則

在西南洋之間蓋對西洋言則謂之東耳

老漁閒話

洲中海 歐羅巴洲中亘一海其袤幾與地中海

相亞向無專名今以洲中海名之

海國圖志

海之名目甚多茲特錄其話所及者

老漁閒話

魏書始知地中海

大秦國其海傍出猶渤海

魏書

地方六千里居兩

海之間

魏書

大秦者西洋之意大里亞國也自漢晉以來皆誤以地中海爲大西海獨魏書始知其海猶渤海自古言地中海者莫先於此所云居兩海之間者大秦之北又有洲中海故言西域莫精於魏書

海國圖志

地中海洲中海二名之始

魏書但言其海猶渤海未名其海爲地中海也至

西洋人艾氏

儒略

撰職方外紀始有地中海之名

魏書但言居兩海之間未名其海爲洲中海也至

邵陽魏氏

源

撰海國圖志始有洲中海之名考海

國者不可不知蓋此二海尙未爲寰海也

老漁
閒話

東西海可周行南北海不可周行

東海西海聞西洋人曾繞行一周若北海則冰塊

堆疊成山海舶觸之定爲齏粉

見四海
總說

南海則平

原無際燐火星流

見職方
外紀

近有米利堅人威厘機

士又有佛蘭西人阿威厘曾往南極之下地方考

察然皆不敢久畱

見澳門
新聞錄

豈人不可居耶抑地尙

未闢耶錄存之以俟諸後之究心輿地者

老漁
閒話

海國天文

北極南極

人居赤道之下者平望南北二極離南往北每二百五十里則北極出地一度南極入地一度行二萬二千五百里則見北極正當人頂出地九十度而南極入地九十度正對人足矣往南亦然此南北經度也

艾儒略五大洲總圖說 往南行二萬二千五百里則南極當頂北極對足矣

論南極北極西法與釋典異

西法以北極為北南極為南此天之南北非地之南北也釋典則以北極為地頂而東西南北四面

環之海國圖志

日為宗動天所帶

日躔黃道一日約行一度自西而東奈為宗動天

所帶是以自東而西一日一週天耳五大洲總圖略度解

日每辰行三十度

日輪一日行一周則每辰行三十度而每處相違

三十度並謂差一辰如黑龍江於緬甸差一辰凡

黑龍江為卯時緬甸方為寅時餘倣是利瑪竇地圖說

設差六辰則兩處晝夜相反同上

其長晝長夜離中線愈遠則其長愈多同上

太陽於九重天內居中

太陽非獨於九重天內居中而於南北兩極一百

八十度內亦在居中五十度內

莊廷勇
地圖說

太陽若再高一重則陽光太遠恐乏溫煦之功若

再低一重則陽光太近恐有焦枯之患不高不低

恰居九重之中所謂自然也老子曰天法道道法

自然余於老氏之言最服其自然一語

老漁
閒話

日落數刻即曙

俄羅斯近北海晝長夜短不數刻東方已曙

一統志

俄羅斯疆域甚大此言其極北之地如此

老漁
閒話

東西迭爲晝夜

東方日出南方夜半西方日入北方日中如是右

旋更爲晝夜

海國圖志
引釋典

地既圓形無處非中所謂東西南北之分不過就

人所居立名初無定準

五大洲
總圖解

半年晝半年夜

近北極之地半年爲日半年爲夜

地圖
說

歐羅巴西北四大國曰大尼

卽黃
旗

曰諾爾勿惹

卽
瑞

國
藍旗

卽

曰雪際

卽
國

曰鄂底此四國北際冰海皆

半年爲一晝夜

職方
外紀

不見日月

鵠島

卽所謂大浪峯

將至之處有暗海不見日月舟行二

三日始出

海島逸志

夏後如長夜

海中有舉舶初至見山青水秀惜無居人因畱番

衆住此後舶再至舉如長夜舉火照見遺書言夏

後漸成昏黑所畱人皆歿矣

臺郡雜誌

少時讀中庸以爲天之所覆地之所載已包括矣

何必更言日月所照觀此乃知天地之大固有天

覆地載而日月所不照者

老漁閒話

多雨

滿刺加氣候極熱賴無日不雨故可居坤輿圖說

少雨

韃靼冬無雨夏微雨而已職方外紀

際波里島在利未亞洲少雨嘗連晴三十六年職方外紀

無雨

厄入多即伊揖國地千年無雨五穀極饒海國圖志

伊揖國水有膏腴地極肥故無雨而穀自茂老漁閒話

孛露在南墨利加洲有數國從來無雨地自有濕性職方外紀

福島在利未亞洲絕無雨而風氣滋潤百穀自生同上

半年有雨半年無雨

真臘國半年有雨半年無雨自四月至九月每日

午後必雨至十月後點雨絕無

真臘風土記

風

吉蘭丹

進羅屬國

每日上午南風下午北風

海錄

孟阿臘

英吉利屬國

終歲南風並無冬夏

粵商同述

無風

利未亞海當赤道下者常苦無風天氣酷熱

四海總說

異風

大明海東南有異風變亂儵忽二十四向

四海總說

雲釀水

利未亞洲有鐵島無泉水而生大樹每日沒卽有雲氣抱樹釀成甘水滴下樹下作數池夜輒水滿終古如此名曰聖迹水

職方外紀

雲吸水

海中晝晦黑雲如針下垂至海則水滌洞澎湃遠無妨近則水櫃水桶皆當用綿被或衣服覆蓋不然盡被吸去矣

海島逸志

吸水者龍人但見雲

老漁閒話

露

天方無雨惟露最濃草木皆資之長養

明史

海國歲時

元旦

歐羅巴彌利堅皆以冬至後十日爲元旦

海國圖志

葛喇巴以冬至後十日爲歲首

海島逸志

布路亞

一名葡萄牙亞卽居澳門之西洋人

每年以冬至後七日爲

歲始

海錄

一以冬至後十日一以後七日兩存以備考

老漁閒話

閏

真臘閏悉用九月

明史

無閏

回回無閏月單月爲大建雙月爲小建每十二月

畢再加六日以補足小建之數

西域聞見錄

月朔

阿丹定時以月如今夜見新月明日卽爲月朔

明史

白半月黑半月

天竺以望後一日至次月望爲一月故有白半月

黑半月之名

海國圖志

月有三十一日

葡萄牙合計一歲而分十二月不論月之合朔與

否故月有三十一日者

海錄

海國厯算

回回厯

七政推步 西域瑪哈穆特所作 明貝琳輯

回厯卽西法之舊率泰西本回厯而加精耳

勿菴書記

泰西厯算書

乾坤體義 明西洋人利瑪竇撰 萬厯中航海

至廣東是爲西法入中國之始

四庫提要

是書以人居寒煖爲五帶與周髀七衡說略同

以七政恆星天爲九重與楚辭天問同

四庫提要

西人精藝術若義理固不能出中國範圍

老漁閒話

表度說 明西洋人熊三拔撰 謂地小於日輪

謂地本圓體非方體 地圓地小之說初入

中土驟聞而駭之者甚衆

提要 四庫

易坤卦文言曰至靜而德方是方者言其德非

言其形也

老漁閒話

簡平儀說 熊三拔撰 以平圓測量渾圓之數

弧三角以量代算之法實本於此

提要 四庫

天問略 明西洋人陽瑪諾撰 是書於諸天重

數七政部位太陽節氣晝夜永短交食本原地

形巖細皆設爲問答以明其義

提要 四庫

新法算書 明徐光啟及西洋人龍華民鄧玉函

羅雅谷湯若望等所修西洋新厯也論西法之

權輿者有考於斯焉

四庫提要

圜容較義 明李之藻撰亦利瑪竇所授也

形有全體視爲一面從其一面例其全體故曰

借平面以測立圜 面必有界界爲線爲邊兩

線相交必有角析圓形則各爲角合角形則共

成圜故曰設角以徵渾體

四庫提要

此數語於句股割圓三角八線之義說得分明

雖不諳測算者觀之亦可得其大旨焉

老漁閒話

幾何原本 西洋人歐几里得撰 歐几里得未

詳向時人 此書爲歐羅巴算學專書蓋亦集

諸家之成

提要 四庫

厯算之學西人本屬專門欲求其詳更僕難數茲
特取其撰述之書爲 四庫提要所著錄者列其
目數種於右談西法者可略得其梗概矣恭讀

御定厯象考成

御定數理精蘊諸書妙契天元精研化本固已垂範萬年

而於西人所著有長必錄有善必登尤足徵

聖朝覆載無私容光必照之至意焉

老漁
閒語

海國諸名

話及則書話未及則不書話先及則先書語不

求詳亦未嘗詮次也

老漁
閒話

安南 東京卽唐交州都護治所 卽古交趾

西京卽古九真日南地

嘉慶七年安南國王阮光顯爲黎氏舊臣阮福

映所滅 詔改封越南國

皇清
通考

暹羅 卽古之扶南國 卽隋唐赤土國

本兩國一名暹一名羅斛羅斛強併有暹地

明洪武中始稱暹羅國

皇清
通考

緬甸

驃古朱波也

新唐書

何時改名緬侯考

老漁閒話

東界暹羅西界印度南界海北界雲南

海國圖志

眞臘

一名占臘

一名甘孛智

一名東埔寨

宋時併有占城改號占臘元時仍稱眞臘

明史

滿刺加

一名麻六甲

古名頓遜

唐名哥羅富沙

明史

宋牯勝

一名宋卡

一名宋脚

土番名無來由

一名馬萊西

一名巫來由

太呢

一名大泥

非黃旂大尼亦非淳泥

老漁閒話

吉蘭丹

亦無來由種類

巫來由種類甚多不止數國餘不悉記

丁加羅

一名丁葛奴

非丁機宜

彭亨

一名邦項

舊柔佛

本柔佛舊都後徙去故名舊柔佛

海錄

一名新嘉坡

一名新州府

一名星忌利坡

新嘉坡本非國乃南海中一大峽嘉慶二十三

年英吉利以兵襲而據之

貿易通志

彭亨柔佛等國明以前不見於史蓋卽梁書之

丹丹唐書作單單

海國圖志

蠻里喇

一名小呂宋

爲西洋呂宋國所轄故名小呂宋

海錄

吉里門 一名吉利門 元征瓜哇進吉利門元史

文萊 唐時名婆羅

淳泥

瓜哇 大瓜哇 元世祖詔三省兵征瓜哇元史

蘇祿

東南洋有大山曰息利環息利山十餘國何國

最強則諸小國皆屬之故唐曰婆羅宋曰淳泥

元曰瓜哇明曰蘇祿而是洲反無定名海國圖志

東南洋諸洲以是洲爲最大今此洲各國皆服

於西洋名新荷蘭洲海國圖志

下港 古名訶陵 唐時名闍婆 一名順塔

瓜哇 小瓜哇非息利山之大瓜哇 一名瓜亞

葛喇巴 一名加雷巴 葛雷巴 交雷巴

為荷蘭所據為紅毛所奪海島逸志 荷蘭奪回

葛雷巴昔為小瓜哇今為小新荷蘭海國圖志

亞齊 古名蘇門答刺 宋以前名婆利海國圖志

舊港 古名干陀利 一名渤淋 一名三佛齊

瓜哇據三佛齊改其名曰舊港明史

美洛居 一名馬路古 一名木路各一名米六合

山北屬紅毛山南屬佛郎機明史

新埠

一名布路檳榔

疑卽交欄山

海國圖志

海中島也英吉利於乾隆年間開闢者

海錄

日本

古名倭奴

唐時改名日本

其地東高西下勢若蜻蜓亦名蜻蜓國

皇清通考

以上東南洋

印度

一名天竺

一名身毒

後漢書

或曰摩伽陀

曰婆羅門

新唐書

一名興都斯頓

溫都斯坦

痕都斯坦

地隸亞細亞洲西南

海國圖志

興都溫都痕都皆印度之轉音

老漁閒話

五印度 卽五天竺 分東西南北中 新唐書

東印度 東界西藏緬甸

南印度 南界海

西印度 西界海

北印度 北界韃靼

中印度 在四天竺之會 新唐書

東南中三印度今皆屬英吉利 海國圖志

中印度爲英吉利與俄羅斯相拒之所 海國圖志

南印度三面臨海英吉利彌利堅佛蘭西荷

蘭各國市埠皆環列焉市埠卽埔頭 老漁閒話

孟阿拉 一名孟加臘 明呀喇 明絞營

印度屬于英吉利者十三部首部孟阿臘印度國志

其地四夷雲集海島逸志城外有地名漲浪居樓閣

雲連園亭綺布海錄

孟買 亦十三部之一印度國志 南洋一市鎮海錄

曼達喇薩 亦十三部之一印度國志

蘇辣 亦英吉利所轄海錄 府城卽印度每月統紀傳

卽杜 內有金眼回回海錄 一說金眼回回在南印度山內

烏土 國有孔明城相傳武侯南征時所築海錄

此無稽之言亦足見武侯威靈遠播海外老漁閒話

巴社 一名包社 一名高奢 一名伯爾西亞

卽漢之安息唐之大食皆西印度

海國圖志

阿丹 一名阿蘭 一名阿臘比阿 曷刺比亞

古名筠沖 唐以前名條支 唐後名阿丹

天方 阿丹默德那皆天方而明史分三傳

海國圖志

默德那 回回祖國也地近天方

明史

如德亞 古名拂菻唐時爲大秦所并亦名大秦

一名密昔爾 一名西多爾 皆西印度境

今并入阿丹國

海國圖志

劉郁西使記有報達國

卽巴社有密昔爾卽如德亞

老漁閒話

南都魯機 一名哈烈 一名木乃奚 一名度

爾格 在阿細亞洲者曰南都魯機

海國圖志

北都魯機 一名額力西 一名厄勒祭

在歐羅巴洲者曰北都魯機

海國圖志

一名祓古

疆域極大西洋人稱爲大國

海錄

以上西南洋惟北都魯機在西洋

克什米爾 卽古之罽賓

哈薩克 有四大部 北近俄羅斯西卽布哈爾

布哈爾 卽古大宛大夏 卽賽馬爾罕

海國圖志

北印度不通洋舶此特錄其話所及者

老漁閒話

伊揖 一名麥西

每月統紀傳

一名阨入多

職方外紀

一名厄日多

坤輿圖說

一名馬八爾

海國圖志

海外諸番惟馬八爾與俱藍足以綱領諸國

元史

阿邁司尼

一名亞毘心域

職方外紀

一名俱藍

利未亞洲惟此二大國富而文

海國圖志

利未亞洲

東八國

南四國

西二十四國

北四國

中二十五國

國名詳見海國圖志

以上小西洋

小西洋之利未亞洲與大西洋之歐羅巴洲隔

地中海海南爲利未亞海北爲歐羅巴

老漁閒話

布路亞 一名博都噶 皇清通考 一名葡萄亞 海國圖志

入都為欽天監到廣東住澳門多此國人 老漁閒話

大呂宋 一名斯扁 四洲志 一名是班牙 貿易通志

一名以西把尼 職方外紀 一名意細班尼 海錄

凡中國所用番銀俱呂宋所鑄 海錄

荷蘭 一名紅毛番地近佛郎機 明史

佛蘭西 一名俄爾 四洲志 一名佛郎機 皇清通考

一名拂郎祭 職方外紀 法蘭西 每月統紀傳 勃蘭西 海島逸志

意大里亞 一名羅汶 一作羅瑪 一名伊達里

古為總王之都歐羅巴諸國皆臣服焉 職方外紀

耶馬尼 一名熱爾瑪尼亞皇清通考 一名亞勒

瑪尼職方外紀 一名亞咩里隔海錄

歐塞特里 一名莫爾大未亞職方外紀 一名奧地

利亞貿易通志 一名雙鷹國旗畫一鳥雙頭海錄

波蘭 古名麻底阿 一名波羅尼海國圖志

綏林 一名匪馬爾如海國圖志

領墨 一名大尼海國圖志 一名盈黎馬祿加海錄

一名黃旂 卽來廣州黃旗船海錄

瑞 古名赫底委爾噯司四洲志 一名綏沙蘭四洲志

一名綏亦古海錄 一名諾而勿惹 一名大爾

馬齊亞

職方外紀

即來粵船樹藍旗者

四洲志

或分瑞與瑞丁為二瑞丁乃瑞之分域

海國圖志

璉

一名雪際

職方外紀

璉國地居西北凡歷海洋

六萬餘里始達廣東

皇清通考

鄂底

在雪際之南

職方外紀

此四國在歐羅巴西北

西史稱為別一天下

半年為一晝夜

職方外紀

普魯社

一名亞爾彌亞

職方外紀

一名埔魯

海錄

一名控噶爾

西域聞見錄

一名破路斯

貿易通志

一名圖里雅

異域錄

一名單鷹國白旗畫一鷹

海錄

英吉利 一名諳厄利職方外紀 一名英圭黎海國圖志

英吉利卽紅毛番海錄 國在歐羅巴西海國圖志

漢桓帝時分爲七大部唐德宗時合七部爲一

國始名英吉利四洲志 國都蘭墩一作蘭頓一作倫墩

本國外所割據他洲之藩屬國甚多英國論略

以上大西洋

俄羅斯 秦漢爲渾庾屈射丁零諸國 唐爲骨

利幹 元爲阿羅思皇清通考

古所謂西底阿土番近數百年始強盛疆域甲

於諸洲有東俄羅斯五部 西俄羅斯八部 南俄羅斯

五部大俄羅斯十七部小俄羅斯三部加匱俄羅斯四部

南新藩俄羅斯五部東新藩俄羅斯四部其地東抵

海北抵冰海西界歐羅巴南界蒙古索倫四洲志

以上北洋

彌利堅 一名墨利加職方外紀一名米利加每月統

一名美理哥美理哥合省國志一名育奈士迭海國圖志

一名咩里干海錄一名花旗海錄分南墨利加

北墨利加職方外紀共二十六部又邊地四部統紀傳

以上外大西洋

話海國由近而遠故始安南終彌利堅老漁問話

海國嚮化

朝鮮

朝鮮一國道里既近歸化尤先雖號藩封實同郡

縣四庫提要

暹羅

順治九年暹羅遣使請貢自是職貢不絕

皇清四裔考

雍正七年

御書天南樂國匾額賜之

乾隆十四年

御書炎服屏藩匾額賜之

同上

荷蘭

順治十年廣東巡撫奏報荷蘭願備外藩謹修職

貢十三年齎表朝貢

皇清
四裔考

越南

順治十六年安南國王黎維祺奉表入貢

皇清
四裔考

嘉慶七年阮光顯爲黎氏舊臣阮福映所滅阮福

映請以越南名國

詔改封越南國至今六年兩貢並進

同上

俄羅斯

康熙十五年俄羅斯遣使入貢

大清
一統志

康熙間俄羅斯遣人來

京師就學設俄羅斯館派助教二人教習之同上

布路亞即博都噶

雍正五年博都噶表貢方物皇清四裔考

乾隆十八年復貢同土

愛烏罕 土爾扈特

乾隆二十八年愛烏罕諸部奉表入覲四庫提要

乾隆三十六年土爾扈特全部投誠新疆識略

緬甸

乾隆五十三年緬甸會齋金葉表入貢癸巳類稿

英吉利

乾隆五十八年英吉利遣使臣馬夏爾尼入貢蕭令

裕筆記 據兩
廣督署檔冊

嘉慶十年英吉利遣使臣多林文入獻方物同上

嘉慶二十一年英吉利使臣羅爾美入獻方物同上

洪惟

聖朝德化覃敷無遠弗屆是編偶然談海略舉數國以
概其餘至梯航鱗集琛賫旅來當恭讀

皇清職貢圖

大清一統志庶得以敬徵詳備焉老漁
開話

海國通市

西域由海至廣州自宋始

唐以前西域貢道由葱嶺達玉關至宋天聖中防
西夏鈔掠始改貢道由海達廣州自後習於航海
之便於是西域近海之國概稱西南洋

海國圖志

老漁曰宋改貢道一事其關係於後世之利害鉅
矣哉自宋以後由海達廣州者始而西域繼而西
洋二百年來通市之利不可謂不鉅然利之鉅不
敵害之鉅利之徑於此開害之幾於此伏因論宋
改貢道不禁有慨乎言之

老漁
閒話

利未亞洲通中國自元始

漢唐通西域極於條支拂林皆阿細亞洲之盡境

未及利未亞洲通利未亞洲自元代始

海國圖志

西洋人至印度自明始

明宏治年間葡萄牙人始尋水路到五印度歐羅

巴各國聞之皆乘船踵至

每月統紀傳

西洋通彌利堅自明始

明宏治年間西洋人始尋得美理哥地

美理哥國志

西洋人入中國自明始

萬厯九年利瑪竇至廣州

明史 西洋人入中國自瑪竇始 四庫提要

布路亞

布路亞人居香山澳門自明萬厯至今二百年其

番舶向編香字號由海關給照

澳門紀略

佛蘭西

順治四年廣督佟養甲奏佛郎機互市已有歷年

後因入省會遂禁止請嗣後仍准通市

皇清四裔考

荷蘭

順治康熙年間荷蘭貿易甚盛

貿易通志

英吉利

康熙間英吉利始來通市

皇清四裔考

南洋通市

康熙五十六年以葛刺巴口岸多聚漢人恐長海盜禁止南洋往來雍正五年弛洋禁嗣後通市不

絕

皇清
四裔考

粵港貿易之便

各夷嘗頌中國之盛實無比倫他港貿易貨物有售有不售至於置貨非經年累月不能集惟粵港無論何貨卽壓船之石已爛之鐵剪碎之呢羽一到卽售所置貨值數百萬一兩月卽齊立可開航此雖繞大地一周無此港口也

寄味山
房筆記

海國風俗

仁會

英吉利 以仁會貲立貧院幼院病院舉公正之

人董理故通洲無鬻子女者

夷情記畧

彌利堅 有仁會濟鰥寡孤獨疾病之人

美理哥國志

呂宋 有仁會遍恤孤寡癯獨

職方外紀

天理堂

歐羅巴 國中有天理堂選盛德耆主之凡國家

有大舉動必先質之此堂問合天理與否擬以爲

可然後行之

職方外紀

道莫大於仁天理卽仁也海外之國能知仁能行
仁是風俗之善者宜錄之以驗此心此理之同也
夫旣知有仁則凡不仁之事不當爲且亦不忍爲
旣立仁會以濟本國之人當推仁心以濟他國之
人試思鴉片爲害人之物已圖其利人受其害所
謂天理安在乎如謂中國人吸食是以運載而來
試思外國不造此物不載此貨中國雖欲食安得
而食之且外國得中國茶葉已獲大利乃造鴉片
使中國人受大害於天理合乎否乎吾願仁會中
人自思之善願天理堂中人自思之

老漁
閒話

摘句 挾哉暨亥東西步笑絕唐虞朔南暨漢家

亦僅開張掖惹得控弦益無忌何如

聖世中外一并斷匈奴左邊臂會看拓地
過西海不使羣生有殊氣

國朝詩人徵略二編卷四十七

卷下

番禺張維屏子樹輯

程含章

字象坤號月川雲南景東廳人乾隆五十七年舉人官山東巡撫有嶺南山左諸集

乾隆五十七年公鄉試中式嘉慶六年大挑分發廣東署封川縣事以盜案落職九年公請出海効力獲盜奉

旨復原官十一年隨提督出海擊大盜升知州十四年署海安同知十九年補南雄州二十四年升惠州

府知府二十五年調廣州冬擢山東兗沂曹道未到任升按察使道光二年升河南布政使秋奉

命巡撫廣東三年調山東又調江西四年授工部左侍

郎調補倉場總督五年授浙江巡撫七年復調山

東八年以浙江鹽政任內事降補刑部員外郎是

年秋授福建布政使十年以病請開缺秋歸里十

二年二月以疾終於里第年七十有一

聽松廬文鈔

公署海安同知海安兵不滿百賊言欲取倉穀人

心惶惶公製五色旗團練鄉勇下令曰賊來我當

先又招募漁船分派壯勇殲賊數百賊不敢犯

同上

公任南雄州先是南雄田糧沿前明之舊分爲三十一則頭緒繁多無從稽考民間有納租而不完糧者有完糧而不得管田者公與士民議去舊則不用惟以現在田之肥磽分科之輕重定爲七則不足額糧以新墾田勻難補足糧隨田出每田給與用印勘單一紙買賣以勘單爲憑百姓稱便上同公以海洋緝捕南雄清丈二事名達

九重其他如清積案雪冤獄懲匪類修陂塘水利增書院膏火施醫藥以拯貧病作歌辭以勸愚頑善政不可枚舉公自奉儉約爲巡撫詣各府閱兵止攜

僕從七人夫價船直皆自發嘗仿范文正義莊建
宗祠置義田族中鰥寡孤獨皆有資給其生平敦

本好義多類此

同上

公自李夫人歿後三十年旁無姬侍公餘輒手一

卷所著有讀鑑辨正明倫述要及嶺南諸集

同上

景東引忘年投分之契結布衣昆弟之交相勉以
張余邱海之事功相推以李杜韓蘇之文學搥衣
以訪躡履而迎頻挽使君之鬚屢踵秀才之舍樂
數晨夕展南村之素心相與周旋笑東方之吏隱
無何帶兵海上猶賦從軍迨乎作牧嶺頭尙供行

原缺